



KENYATAAN MEDIA
TIMBALAN PERDANA MENTERI
MENTERI PERTAHANAN

18 JULAI 2021

**MENGENAI PELAN PEMULIHAN NEGARA (PPN) & PERINTAH
KAWALAN PERGERAKAN DIPERKETATKAN (PKPD)**

Anggota dan petugas keselamatan negara diarah bersiap-sedia untuk menghadapi pertambahan kenderaan yang cuba merentas negeri tanpa kebenaran termasuk untuk pulang ke kampung menjelang sambutan Aidiladha dua hari lagi.

Semalam, PDRM melaporkan sebanyak 381,952 kenderaan telah diperiksa di sekatan jalan raya (SJR) seluruh negara.

Untuk rekod, jumlah bilangan kenderaan diarahkan berpatah balik paling tinggi dicatatkan pada 16 Julai 2021, iaitu sebanyak 4,839 semenjak Pelan Pemulihan Negara (PPN) dilaksanakan.

Kerajaan menasihati orang ramai supaya tidak curi-curi pulang ke kampung dan kekal duduk di rumah supaya tidak dijangkiti dan menjangkiti orang lain.

Peningkatan kes serta kluster yang disebabkan pergerakan rentas negeri dan ziarah pada Aidilfitri lalu perlu dijadikan iktibar agar semua pihak tidak mengambil ringan terhadap pematuhan prosedur operasi standard (SOP) yang telah ditetapkan dalam usaha untuk memutuskan rangkaian jangkitan COVID-19.

Lindung diri, lindung semua.

Pelaksanaan PKPD

Sidang Khas MKN telah meneliti pembentangan oleh KKM dan setelah mengambil kira penilaian risiko serta trend jangkitan COVID-19, bersetuju untuk mengenakan PKPD di lokaliti-lokaliti berikut:

BIL	Lokaliti PKPD	Tarikh Mula PKPD	Tarikh Tamat PKPD
1.	Dua Lokaliti di Mukim Bukit Jawa, Pasir Puteh, Kelantan <ul style="list-style-type: none"> • Kampung Lepah • Kampung Alor Hijau 	20 Julai 2021	2 Ogos 2021
2.	Dua lokaliti di Sipitang, Sabah <ul style="list-style-type: none"> • Kampung Long Kiangan • Kampung Ranau-ranau 	20 Julai 2021	2 Ogos 2021
3.	Empat (4) lokaliti dalam Mukim Likas, Kota Kinabalu, Sabah <ul style="list-style-type: none"> • Taman Teluk Likas • Kampung Gusung • Taman Kurnia Jaya • Kuarters Kilang Permai Kaya 	20 Julai 2021	2 Ogos 2021
4	Kampung Muhibbah, Beaufort, Sabah	20 Julai 2021	2 Ogos 2021
5.	Ladang Agathis, Kalabakan, Sabah	20 Julai 2021	2 Ogos 2021
6.	Dua Perkampungan di Sipitang, Sabah <ul style="list-style-type: none"> • Kampung Solob • Kampung Tunas Baru 	20 Julai 2021	2 Ogos 2021
7.	Kampung Dandulit Matunggong, Kudat, Sabah	20 Julai 2021	2 Ogos 2021

8.	Kampung Bakalau, Beaufort, Sabah	20 Julai 2021	2 Ogos 2021
9.	Kampung Nosoob, Penampang, Sabah	20 Julai 2021	2 Ogos 2021
10.	Taman Melor Fasa 1, Hilir Perak, Perak	20 Julai 2021	2 Ogos 2021
11.	Dua lokaliti di Mukim Batu Kurau, daerah Larut, Matang & Selama (LMS), Perak <ul style="list-style-type: none"> • Kampung Batu 19 ½ • Kampung Batu 20 	20 Julai 2021	2 Ogos 2021
12.	10 Lokaliti dalam Mukim Batang Padang, daerah Batang Padang, Perak <ul style="list-style-type: none"> • Taman Tapah/Taman Bunga Raya dan Kampung Datuk • Taman Sri Damai 1 /Taman Sri Damai 2 • Taman Sri Tapah • Taman Tapah 2 • Taman Sri Asoka • Kg Baru Kg Pahang • Kg Batu 5 Tapah Road • Kg Baru Pekan Getah • Kg Batu Melintang • Kg Tanah Mas 	20 Julai 2021	2 Ogos 2021
13.	Tiga (3) Lokaliti dalam Mukim Bidor, daerah Batang Padang, Perak <ul style="list-style-type: none"> • Taman Awam 3 Bidor/ Taman Permata Bidor • Taman Sri Bidor • Taman Bidor Jaya/Kg Cegar Tambahan/ Kg Cegar 	20 Julai 2021	2 Ogos 2021

14.	Kampung Emperoh Nyiru Grait, Kuching, Sarawak	20 Julai 2021	2 Ogos 2021
------------	--	---------------	-------------

SOP bagi kesemua PKPD adalah sama seperti yang diumumkan sebelum ini. Maklumat lanjut boleh diakses di laman sesawang MKN di www.mkn.gov.my

Pelanjutan PKPD

Sidang Khas MKN juga telah meneliti pembentangan KKM mengenai situasi di lokaliti PKPD dan setelah mengambil kira penilaian risiko serta trend jangkitan COVID-19, telah bersetuju untuk melanjutkan PKPD di lokaliti-lokaliti berikut:

BIL	Lokaliti PKPD	Tarikh Tamat PKPD	Cadangan
1.	Kampung Serudung Baru, Tawau, Sabah	19 Julai 2021	Dilanjutkan berkuatkuasa 20 Julai – 2 Ogos 2021

Penamatan PKPD

Sidang Khas MKN setelah meneliti pembentangan KKM mengenai situasi semasa telah bersetuju untuk menamatkan PKPD di lokaliti-lokaliti berikut:

BIL	Lokaliti PKPD	Tarikh Mula PKPD	Cadangan
1.	Kampung Jambatan Baru, Membakut, Beaufort, Sabah	6 Julai 2021	Ditamatkan pada 19 Julai 2021 seperti yang dijadualkan
2.	Blok 6, Kampung Titingan, Tawau, Sabah	6 Julai 2021	Ditamatkan pada 19 Julai 2021 seperti yang dijadualkan

3.	Kuarters Ladang Lepad Kabu (A&B) & Sebahagian Kawasan Kampung Pahi (Kawasan Bersempadan dengan Kuarters Ladang Lepad Kabu), Kuala Krai, Kelantan	6 Julai 2021	Ditamatkan pada 19 Julai 2021 seperti yang dijadualkan
4.	CLQ Gamuda Garden, Kundang Jaya, Rawang, Selangor	30 Jun 2021 (dilanjutkan pada 14 Julai 2021)	Ditamatkan pada 19 Julai 2021 seperti yang dijadualkan
5.	Mukim Batang Padang & Mukim Bidor, Perak	10 Julai 2021	Ditamatkan pada 19 Julai 2021, lebih awal daripada dijadualkan (23 Julai 2021)

SOP COVID-19 di Sektor Perkilangan dan Premis Perniagaan

Kerajaan telah mempertingkatkan penguatkuasaan secara menyeluruh dari segi pemeriksaan ke atas kilang-kilang dan premis-premis perniagaan kerana terlalu banyak pelanggaran arahan kerajaan dan SOP yang telah diwartakan.

Semalam Pasukan Task Force Operasi Pematuhan telah melaksanakan 74,793 pemeriksaan dan *snap check* COVID-19 di seluruh negara dengan jumlah kekuatan anggota seramai 19,645 orang.

Ia termasuk pemeriksaan ke atas 1,993 buah kilang, 16,569 premis perniagaan, 506 tapak pembinaan dan 243 buah asrama penempatan pekerja.

Hasil daripada pemeriksaan tersebut, sebanyak 62 premis meliputi kilang, premis perniagaan dan tapak pembinaan diarahkan tutup kerana gagal mematuhi SOP yang ditetapkan kerajaan.

Task Force Operasi Pematuhan

Task Force Operasi Pematuhan yang diketuai Polis Diraja Malaysia (PDRM) telah melakukan 74,793 pemeriksaan semalam.

Ia melibatkan 4,406 Pasukan Pematuhan yang terdiri daripada 19,645 anggota bagi memantau dan menguatkuasakan pematuhan Prosedur Operasi Standard (SOP) sepanjang Perintah Kawalan Pergerakan (PKP).

Semalam, 441 individu ditahan atas kesalahan ingkar SOP. Daripada jumlah itu, seramai 423 individu dikompaun manakala 18 lagi direman.

Orang ramai diingatkan untuk sentiasa mematuhi SOP yang ditetapkan dan mengamalkan kawalan sendiri dalam usaha untuk memutuskan rantaian jangkitan COVID-19.

Kawalan Sempadan Negara

Operasi BENTENG (Op BENTENG) semalam telah menangkap 13 orang Pendatang Asing Tanpa Izin (PATI) dan merampas dua (2) buah kenderaan darat.

Op BENTENG melibatkan Polis Diraja Malaysia (PDRM), Angkatan Tentera Malaysia (ATM), Agensi Penguatkuasaan Maritim Malaysia (APMM) dan Agensi Keselamatan Sempadan Malaysia (AKSEM) serta agensi-agensi keselamatan lain turut menjalankan 890 Sekatan Jalan Raya (SJR) semalam iaitu:

Op PENAWAR (ATM, PDRM dan RELA)	- 836 SJR
Op BENTENG PDRM	- 45 SJR
Op BENTENG AKSEM	- 9 SJR

Operasi Disinfeksi COVID-19

Semalam, sebanyak 179 operasi disinfeksi telah dilaksanakan di seluruh negara yang merangkumi 65 zon merah, zon jingga (4) dan zon kuning (6).

Operasi disinfeksi ini melibatkan 1,116 anggota Jabatan Bomba dan Penyelamat Malaysia (JBPM) dan 241 Pihak Berkuasa Tempatan (PBT) serta 193 buah jentera JBPM.

Secara kumulatifnya, sebanyak 32,771 operasi disinfeksi merangkumi 157 zon dilakukan sejak 30 Mac 2020. Operasi sanitasi melibatkan pusat perniagaan, kawasan perumahan termasuk Projek Perumahan Rakyat (PPR), tempat awam, pasaraya dan bangunan kerajaan.

Kuarantin Wajib

Semalam, seramai 909 individu tiba di semua pintu masuk antarabangsa dan semuanya telah dikuarantin di stesen-stesen kuarantin di seluruh negara.

Secara kumulatifnya, sejak 24 Julai 2020, seramai 251,262 individu telah pulang ke tanah air dan kesemua ditempatkan di 81 hotel dan 11 Institut Latihan Awam (ILA) serta Institut Pengajian Swasta di seluruh negara.

Daripada jumlah itu, seramai 9,213 individu telah dikuarantin dan 238,726 orang dibenarkan pulang manakala 3,323 lagi dibawa ke hospital.

Barang Keperluan Asas

Pemantauan serta pemeriksaan oleh anggota Penguatkuasa Kementerian Perdagangan Dalam Negeri dan Hal Ehwal Pengguna (KPDNHEP) di peringkat peruncit dan pemborong mendapati bekalan makanan adalah stabil dan mencukupi.

Semalam, KPDNHEP telah membuat 833 pemantauan harian ke atas 11 jenis bekalan barangan terdiri daripada peruncit (640), pemborong (162) dan pengilang (31).

KPDNHEP juga telah melakukan 1,816 Pemeriksaan Khas Pematuhan SOP dan daripada jumlah itu, 1,813 premis mematuhi SOP manakala tiga (3) lagi dikompaun kerana tidak patuh SOP.

Amalkan “lockdown” sendiri. Kekal di rumah dan amalkan gaya hidup sihat bersama keluarga dalam lingkungan kawasan rumah sendiri. Terima kasih.

#StaySafeStayHome

#AmalkanKawalanKendiri

YAB DATO' SRI ISMAIL SABRI YAAKOB

**TIMBALAN PERDANA MENTERI
MENTERI PERTAHANAN**